



## Universitätsbibliothek Paderborn

### **Instructio practica ...**

De Horis Canonicis Juxta Rubricas Breviarii Romani ritè recitandis - In qua etiam ipsæ Rubricæ Notis brevibus illustratæ, & Martyrologij Romani nomina suis Accentibus signata continentur, Ad Faciliorem Discentium Vsvm Ac Praxin

**Lohner, Tobias**

**Dilingæ, 1676**

Tit. III. De Officio Simplici.

[urn:nbn:de:hbz:466:1-48333](https://nbn-resolving.org/urn:nbn:de:hbz:466:1-48333)



G. Hoc est, primas & secundas Vesperas cum reliquis Horis integras, nisi per occursum vel concursum cum Duplicibus easdem amittat.

IV. Ad Matutinum dicuntur tres Nocturni, præterquam infra Paschæ & Pentecostes Octavas, in quibus dicitur unum Nocturnum cum tribus Psalmis, & totidem Lectionibus. Et regulariter, quando dicuntur tres Nocturni, dicuntur novem Psalmi, & totidem Lectiones. *h.* exceptis ijs Dominicis, in quibus fit Officium, ut in Psalterio; *i.* quæ habent octodecim Psalmos.

H. Unde & hæc Festa vocari solent Festa novem Lectionū.

I. Quales sunt omnes Dominicæ præter eas, quæ infra Octavas privilegiatas Nativitatis, Epiphaniæ, Ascensionis, & Corporis Christi cadunt; hæ enim perinde ut ipsa Festa, novem duntaxat Psalmos habent.

V. Quomodo sit ordinandum Officium Semiduplex tam in Festis, quàm in Dominicis, & infra Octavas; item & de Antiphonis, Versibus, Responsorijs & hujusmodi alijs; & quando in Semiduplici dicantur Preces ad Primam, & Completorium, & Suffragia de Sanctis ad Vesperas & Laudes, habentur inferius de singulis propriæ Rubricæ.

### TITULUS III.

#### DE OFFICIO SIMPLICI.

I. **O**fficium fit Simplex in diebus Ferialibus, quando occurrit fieri de Feria. *k.* item in Festis, quibus in Calendario non apponitur vox *Duplex* vel *Semiduplex*, vel de Octava: Item quando fit de B. MARIA in Sabbato. *l.* ut in ejus Rubricis dicitur.

K. Id est, tali die, in quem nullius Sancti Festum aut Vigilia, nec B. MARIA in Sabbato cadit.

G 2

L. Adde



L. Adde Dominicas, quæ, quia suo loco celebrari non possunt, per anticipationem transferuntur in præcedentem hebdomadam. Item Vigiliæ, quæ Duplici aut Semiduplici ritu non celebrantur.

II. De Festo Simplici fit eo die, quo cadit, nisi eodem die occurrat fieri Officium novem Lectionum *m.* vel de S. MARIA in Sabbato *n.* vel de aliquibus Ferijs, quibus Festum simplex cedit, ut dicetur in Rubricis de Ferijs, & de Commemorationibus. *p.*

M. Id est, Duplex aut Semiduplex.

N. Nam huic velut digniori merito cedunt reliqui Sancti.

O. Quales sunt Feriæ Majores Adventûs, Quadragesimæ, Quatuor Temporum, & dies secunda Rogationum.

P. Quibus etiam Vigiliæ Sanctorum addendæ sunt; nec & his Festum ejusmodi Simplex cedere debet.

III. Habet tantum primas Vesperas, in quibus dicuntur Psalmi FERIALES *q.* & à Capitulo fit de Festo, nisi cum eo concurrat Festum novem Lectionum, quia tunc de eo fit sola commemoratio, ut dicetur in Rubrica de Concurrentia Officij: ejus Officium terminatur ad Nonam, & nihil amplius fit de eo, nec commemoratio.

Q. In Psalterio illâ Feriâ, in quam Simplex ejusmodi cadit, notati.

R. Nisi Festum novem Lectionum sit primæ vel secundæ Classis; tunc enim nec commemoratio de Simplici in Vesperis facienda est.

IV. Ad Matutinum post Invitatorium & Hymnum de Festo, *s.* dicitur unum tantum Nocturnum cum duodecim Psalmis, ut in Psalterio secundum Feriam, quæ occurrit. *t.* & tres Lectiones leguntur, ut infra in Rubricis de Lectionibus dicetur.



S. Qui plerumque ex Communi Sanctorum sumuntur.

T. Id est, in eandem diem, quo Festum Simplex celebratur, cadit.

V. Quomodo sit ordinandum Officium Simplex ad Vesperas, Matutinum, & alias Horas; item de Antiphonis, Versibus, Responsorijs, & alijs, ac quando Preces & Suffragia de Sanctis dicenda sint, habentur inferius propriæ Rubricæ.

TITULUS IV.

DE DOMINICIS.

I. **D**E Dominica semper fit Officium in Dominicis Adventûs, & in Dominicis à Septuagesima usque ad Dominicam in Albis inclusivè *u*, quocunque Festo Duplici vel Semiduplici adveniente; quia tunc Festum transfertur (ut in Rubrica de Translatione Festorum dicitur) nisi illud Festum sit de principali Titulo vel Patrono alicujus Ecclesiæ, vel loci, aut Dedicatione propriæ Ecclesiæ; quia tunc de hujusmodi Festo fit tantùm in Ecclesia, vel loco, cujus est Titulus, vel Patronus, vel Dedicatione cum commemoratione Dominicæ, quibusdam Dominicis exceptis *x*, ut dicitur in Rubrica de Commemorationibus. In alijs Dominicis per annum fit de Dominica, quando in eis non occurrit Festum Duplex, quia tunc fit de Duplici cum commemoratione Dominicæ, in utrisque Vesperis & Laudibus *z*, & ad Matutinum legitur nona Lectio de Homilia Dominicæ, ut dicitur in Rubrica de Commemorationibus. Si Semiduplex eo die occurrat, transfertur, ut dicitur in Rubrica de Translatione Festorum.

V. Quia hæ Dominicæ sunt privilegiatæ, utpote primæ & secundæ Classis,